



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. VII. An eodem actu possit quis pluribus præceptis satisfacere?

---

[urn:nbn:de:hbz:466:1-73031](#)

intrinseca ratione actus, aut secundum se, aut ut est sub lege. Hinc factio ex malo fine auditio, aut penitentiā sacramentali extrinsecè solum vitiata satisfacit tue obligationi; ita Sanchez l. i. in decal. c. 14. n. 1. Idem dic de impletione voti, aut juramenti, cum sint leges particulares, quas homo sibi sponte imponit.

433. Nec obstat, quod legislatores, per impletionem legum intendant, subditos redere bonos; vota etiam, & juramenta sint actus virtutis Religionis, respicientis divinum cultum; quia, ut inquit Sanchez cit. n. 3. non respiciunt divinum cultum tanquam rem praceptam, seu tanquam finem proximum, & intrinsecum pracepti, seu legis; sed ut finem præcipientis, vel solum tanquam modum, quæ duo non cadunt sub præceptum. Hinc præcepto jejunij quadragesimalis satisfit ab utente per diem una tantum refectione cum abstinentia à carnibus, quia sic lex jejunij habet suum finem intrinsecum, licet inde corpus ejus non maceretur, qui est finis jejunij solum extrinsecus.

434. Si autem quæras, an ad implemandam legem requiratur, actum fieri ex intentione satisfaciendi præcepto? ante resolutionem not. à nonnullis præmitti hanc questionem, an actus, quo satisfit legi, debet esse liber? in qua re verius est, nullum præceptum affirmativum, sive naturale, sive divinum, sive humanum impleri posse per actum non liberum, propriè loquendō; quia in affirmativis præcipitur homini libero actus positivus: sed impossibile est, hominem liberum exercere actum positivum absque libertate. Si enim liber est, id, quod agit, agere vult, potens non agere: in adimptione autem præceptorū negativorum non esse necessarium actum liberum, qua ab homine libero potest ponii omissione absque positivo libertatis exercitio; ita Vasquez in 1. 2. q. 100. a. 9. n. 8. hinc qui nec habet, nec habere potest carnes, non satisfacit, loquendō propriè, præcepto abstinentiæ à carnibus; sed nec violent. Nam amentes, ebrij, dormientes, in sensu composito suæ impotentiae, licet per omissionem leges negativas non violent, propriè etiam illis non satisfacunt; quia non sunt omissiones hominis, ut homo est, sed ita est etiam in illo casu; his positis: ad questionem Resp. juxta com-

munem, non esse necessarium; quia totus actus præceptus sine illa potest ponî à parte rei; ita Suarez de relig. tom. 2. l. 4. c. 8. n. 14. hinc is, qui audit Sacrum, inscius esse diem festum, si postea intelligat esse, non tenetur ad secundum audiendum; similiter is, qui non fuit memor voti, rem tamen, quam vovit, perfecit, non tenetur secundò perficere hoc, quod vovit. Ex ratione tamen majoris meriti, & DEO perfectiori modô placandi, laudabile est præceptum cum intentione satisfaciendi perficere.

Si quæras 2. an satisfaciat præcepto, exercens actum præceptum, animo non satisfaciendi? Resp. et si probabile sit non satisfacere; quia, ut habetur in L. non omnes ff. si cert. actus non operantur ultra intentionem agentium; ergo si quis intendat non satisfacere, non satisfacit; sic Azor p. 1. l. 7. c. 2. q. 2. & l. 10. c. 12. q. 8. probabilius tamē esse, satisfacere. Quia Superior non præcipit, ut aetus fiat cum ea intentione; consequenter, cum intentione contraria non satisfaciendi, ponitur totum opus præceptum; sed posito toto opere præcepto, satisfit præcepto; ergo cum intentione contraria, ponendō totum opus præceptum, satisfit præcepto; sic Vasq. in 1. 2. q. 180. a. 9. in expositione literæ, n. 5. Lessius l. 2. c. 37. D. 10. n. 59. & c. 46. D. 6. n. 46. cum multis alijs. Ubi tamen nota, quod habens hujusmodi voluntatem, non satisfaciendi, peccet mortaliter contra præceptum divinum, obligans omnes, & singulos, ut justis legibus, positivè per voluntatem contrariam sese non opponant; quia qui potest resistit, Dei ordinationi resistit, ad Roman. 13.

### §. VII.

*An eodem actu possit quis pluribus preceptis satisfacere?*

R Esp. 1. doceri à quibusdam, uno a-  
etu pluribus obligationibus justitia non posse satisfieri; hoc volunt esse omnium Doctorum; quia impossibile est, supra unam, eandemque rem, cadere duos, vel plures titulos justitiae. Verum in Tractatu de Jure, & Justitia docui contrarium. Nam deflorator puellæ tenetur illam vel dotare, vel ducere; fieri autem potest, quod

quod idem promittat parentibus deflorata; quo casu duplici titulo justitiae, nimirum deflorationis, & contradicuntur tenetur eam vel dotare, vel ducere, & tamen utrius obligationi satisfit, dotando, qui est unicus actus; ergo.

437. Resp. 2. in materijs aliarum virtutum posse unico actu pluribus obligationibus satisfieri, quoties obligans, rei, alio titulo debitae, suam intentionem novam affigit. Hac nullam habent difficultatem, quoties illud, cui nova accedit obligatio, habet necessariam identitatem cum illo, quod aliunde debetur; ita vovens castitatem uno actu satisfacit voto, & præcepto naturali temperantiae. Difficultas tota est in alijs rebus, in quibus non est necessaria hujusmodi identitas; v.g. injungitur mihi per Confessarium auditio sacri die festo; in talibus casibus actus ex primo titulo debiti non habent necessariam identitatem cum actibus noviter impositis; proinde in similibus recurrentiū est ad mentē ejus, qui imposuit obligationem, cuius mente cognita potero unico actu pluribus præceptis satisfacere, si consenserit in identitate; non potero, si non consenserit. Quod si de ejus voluntate adeat probabilitas in utramq; partē, potero quemlibet ex illis eligere in sententia saltem eorum, qui tenent, licitum esse usum opinionis practicē probabilis, licet oppositum sit æquē, vel etiam magis probabile.

438. Verūm hoc limitat Thomas Sanchez l. 1. in decal. c. 14. docens, in illis, quæ sunt circa pœnitentiam Sacramentalem, standum pro non identitate (hoc est, ut explicat Cardenas in Crisi Theol. l. 4. d. 34. n. 17. judicandum, non præcipi eandem actionem, scilicet alio titulo, vel legē debitam) quia contingit communiter, ut confessarius, loco satisfactionis, non velet opera alia, nisi ex mente sua voluntaria. Sic divitibus non solet injungere eleemosynas aliunde debitas; nec illis, qui sunt in peccatis mortalibus, opera spiritualia aliunde debita; excipe cum Suarez, nisi Confessarius nosset, hujusmodi pœnitentem in explendis pœnitentijs negligentem esse; aut ex alijs circumstantijs nollet illum ita graviter onerare; quod saepe contingit juxta pœnitentium diversitatem.

439. Illud hic addi potest pro praxi in utro-

que foro ex Azor p. 1. l. 11. c. 14. q. 1. docente, illa, quæ ex aliquo justitiae titulo debentur, non posse habere rationem eleemosynæ; idem cum illo tenet Th. Sanchez cit. n. 6. hinc sicut in dubio de identitate pœnitentiae cum rebus aliunde debitibus, standum pro non identitate, ita pariter in omnibus obligationibus eleemosynæ. Sicut enim is, qui injungit pœnitentiam in confessione, præsumitur propriam materiā injunxit, quando & quādiu aliud non scitur: ita pariter injungens eleemosynam; quod idem est de voveniente. Nonnulli tamen statuunt hanc regulam, quæ occurrente dubio, *an sit identitas an sit distinctio actionis præceptæ?* in alijs casibus, & materijs est universalis: quotiescumque, ex duabus obligationibus, neutrius propria materia est opus supererrogationis, seu voluntarium, tories in dubio standum pro identitate: quia *non identitas* est onus, quod in dubio non est imponendum per c. *Contingit 1. de jure jurando in 6. & in obsecris, seu ambiguis,* quod minus gravat, est tenendum. Certa enim possessio voluntatis ab immunitate talis oneris, per superveniens dubium, *an detur dispositio imponens illud?* vincit nec debet, nec potest.

Ulterius dubitari potest, an eodem tempore, per diversos actus, possit pluribus præceptis satis fieri? Resp. posse, quoties impletio unius non impedit impletionem alterius; sic enim ponitur, quod per ea debitum est, neque temporum diversitas cadit sub præceptum; ita Thomas Sanchez l. 1. in decal. c. 14. n. 11. 12. Hinc deducit 1. posse aliquem eodem tempore satisfacere præcepto de audiendo sacro, & dicendis horis Canonicis. 2. posse duo sacra simul audiri, & ita satis fieri voto, & pœnitentiae injunctæ à Confessario eodem tempore; & sic de alijs.

Dubitari potest 2. an omittens actu duplice lege, vel præcepto debitum, committat duplē culpam? Resp. quod communis responsio sit, tunc non committi, quoties illa præcepta spectant ad eandem virtutem sub eodem motivo: tunc committi, quando non spectant; vel, si spectant, non sub eodem motivo. Exemplum primi habes in concurrentia diei feisti, & dominicæ; jejunij quadragesimalis, & vi-

gilia:

giliæ: exemplum posterioris est in sacro debito ratione festi, & poenitentia injunctæ à Confessario, vel in obligatione festi, & voti, vel juramenti &c. Cum autem superior non semper diversas obligationes, licet sint de eodem specie actu, unius numeri actui affigat, non statim valet in hac materia argumentum à pari. Sit enim *casus*, quod incidat in *diem dominicum festum S. Andreae Apostoli*: hoc casu sunt duo præcepta numero distincta, auditio nem sacri eodem die præcipientia; quibus tamen juxta Thom. Sanchez cit. n. 7. & alios passim Doctores, possim auditione unius sacri satisfacere, ex benigna Matris Ecclesiæ mentis interpretatione. Sed ex hoc relato casu non valet argumentum ad duo præcepta hujus & alterius diei *de recitando matutino, & laudibus*, licet sub corundem obligatione sit idem specie actus præceptus, obligationis hodiernæ, & hesternæ.

**442.** Hoc argumentandi modo aliquando usus est Caramuel, ut videri potest apud Joannem de Cardenas in *Cris. Theol. t. 4. d. 34. c. 2.* Argumentum enim ejus erat: in occurrentia duorum præceptorum circa auditionem sacri, uno numericè sacro satisfit duobus præceptis: ergo unâ numericè recitatione matutini, atque laudum (v. g. si fiat hodie post 4. matutinum) satisfit hodiernæ, & crastinæ de recitando matutino, & laudibus; conseq. constat; quia unâ, eademque actione potest satis fieri duobus præceptis numero distinctis, eodem tempore concurrentibus, sed in casu dicto sic fit: ergo. Verum ad hoc respondeatur C. ant. N. conseq. ad probat. dist. maj. unâ actione potest satis fieri duobus præceptis non postulantibus distinctas actiones C. secus, N. maj. Similiter distinctâ min. N. conseq. quod præcepta recitandi hodie, & cras divinum officium postulent distinctas recitationes, ex intentione Legislatoris præcipientis recitationem officij *pro singulis diebus*, consequenter recitationem, distinctorum temporum, probat universalis coniuetudo totius Ecclesiæ; secus est de auditione sacri; nam præceptum audiendi Missam diebus dominicis, & festis nihil petit, ut fiat distinctis actionibus, aut diebus, sed tantum, ut fiat auditio sacri, quando est talis dies. Unde ipse Caramuel

el in editione 1657. fatetur argumentum à se factum non esse probabile. *Vid. Carden. l. 1. n. 4.*

### §. VIII.

*An Satisfiat legi, ponendo simul, vel Successive partes materiæ præceptæ?*

**E**xemplum talis rei est auditio sacri; 443. hæc enim fit successivæ, & per partes: quo posito, duplex casus est, qui proponitur; primus, an huic præcepto (*scilicet audiendi sacrum*) satisfaciat, qui duas partes sacri audit successivæ à duobus sacerdotibus. 2. si utramque partem audiat simul? ut, si in uno altari fieret elevatio, quando in altero diceretur introitus, & Petrus istam Missam usque ad finem, illam usque ad elevationem audiret. Quod autem dicitur de hoc præcepto, idem dicendum est de omnibus alijs habentibus materiam dividuam.

In primo casu affirmativam, ut probabilem, & in conscientia tutam docuit Vienaæ Austriae in Universitate publica Anno 1665. P. Henricus Herdinck vir æquè pius, ac doctus in *M. S. d. 2. de legib. Q. 5.* idque ex Coninck de *sacr. q. 83. a. 7. d. un. n. 287.* qui rationem dat; quia, cum Ecclesia sciat, hanc suam legem ita à gravibus Doctoribus explicari, hoc ipso, quod permittat eorum explicationes publicè imprimi, & doceri, censetur dictum præceptum juxta eos moderari.

Secundum casum probabilem censet 445. Molfesius in *Sum. tom. 1. tr. 3. c. 17. n. 37. in fine.* Causam dat, quia Ecclesia non præcipit, ut Missa audiatur ab uno Sacerdote. *Ordo etiam successivus* non est de præcepto saltem gravi, paritate accepta ab horis Canonici, in quibus, sine transgressione gravi, potest quis inverttere ordinem horarum. Coninch cit. n. 288. idem docet his verbis: hæc praxis parum decens est, minusque religiosa; ideoque non usurpanda sine rationabili causa. Quare eum, qui omnino sponte veniret serius ad primam partem sacri, cum intentione audiendi partem sequentis, credo peccatum venialiter. Eandem probabilem censet Diana p. 10. t. 17. resol. 3. Leander à SS. Sacr. tr. 2. D. 1. q. 65. Q. 6. Dicastro tom. 1. de *Sacr. tr. 5. de Sacrif. Miss. D. 5. d. 3.*